

佛說摩訶般若波羅蜜多心經

観自在菩薩、行深般若波羅蜜多時、照見五蘊皆空、度一

切苦厄、舍利子、色不異空、空不異色、色即是空、空即

是色、受想行識、亦復如是、舍利子、是諸法空相、不

生不滅、不垢不淨、不增不減、是故空中、無色無受想

行識、無眼耳鼻舌身意、無色聲香味觸法、無眼界、乃至

無意識界、無無明、亦無無明盡、乃至無老死、亦無老死

盡、無苦集滅道、無智亦無得、以無所得故、菩提薩埵、

依般若波羅蜜多故、心無罣礙、無罣礙故、無有恐怖、遠

離一切顛倒夢想、究竟涅槃三世諸佛、依般若波羅蜜多故、

得阿耨多羅三藐三菩提、故知般若波羅蜜多、是大神呪、

是大明呪、是無上呪、是無等等呪、能除一切苦、眞實

不虛、故説般若波羅蜜多呪、即説呪日、羯諦羯諦、波

羅羯諦、波羅僧羯諦、菩提薩婆訶、般若心經

御宝号 南無大師遍照金剛

